



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-1242/22
Vogošća, 16.08.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14-Prečišćeni tekst, 14/15 i 9/20), Općinski načelnik dana 16.08.2022. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE GLAVNIH
PROJEKATA REKONSTRUKCIJE VODOVODNE I KANALIZACIONE MREŽE U ULICI SAMIRA
GRADIŠIĆA**

Član 1.

Ponuda ponuđača "URBIS CENTAR" d.o.o. Banja Luka, ulica Bulevar Vojvode Stepe Stepanovića 101a 78 000 Banja Luka, odabrana je za pružanje usluge izrade Glavnih projekata rekonstrukcije vodovodne i kanalizacione mreže u ulici Samira Gradišića, sa ponuđenom ukupnom cijenom nabavke u iznosu od 6.500,00 KM bez uračunatog PDV-a, odnosno 7.605,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 18.07.2022. godine donio Odluku o pokretanju Otvorenog postupka nabavke usluge izrade Glavnih projekata rekonstrukcije vodovodne i kanalizacione mreže u ulici Samira Gradišića, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.07.2022. godine pod brojem: 1353-1-2-114-3-125/22. Sažetak Obavještenja o nabavci objavljen je u "Službenom glasniku BiH" broj: 50/22 od 29.07.2022. godine.

Tendersku dokumentaciju sa Portala javnih nabavki BiH su preuzela 22 (dvadesetdva) ponuđača.

Krajnji rok za dostavu ponuda bio je 10.08.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.08.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno pet (pet) i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"IBIS" d.o.o. Zavidovići	4.950,00	/	/	5.791,50
2	"HK ING" d.o.o. Sarajevo	5.400,00	/	/	5.400,00

3	"INPROS" d.o.o. Mostar	6.800,00	/	/	7.956,00
4	"URBIS CENTAR" d.o.o. Banja Luka	6.500,00	/	/	7.605,00
5	"TEAM HIDRO" d.o.o. Sarajevo	7.100,00	/	/	8.307,00

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihovih validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1242/22 iz jula 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "IBIS" d.o.o. Zavidovići ne ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Tačkom 7.4.1.b TD, ponuđač je u skladu sa članom 50. Zakona dužan ispuniti obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga, tj. potrebno je da ponuđač ima na raspolaganju stručna lica sljedećih struka: 2 (dva) lica VSS VII stepen-dipl. ing. građevine-smjer hidrotehnika, odnosno visoko obrazovanje najmanje I ciklusa Bolonjskog sistema studiranja (koje se vrednuje sa najmanje 240 ECTS bodova) građevinske struke-smjer hidrotehnika, sa položenim stručnim ispitom i 5 godina radnog iskustva.

Ponuđač „IBIS“ d.o.o. Zavidovići u svojoj ponudi na str. 42 dostavio je Diplomom za Stevandić Vladimira, dipl.ing. građevinarstva, smjer – opšti. Pošto je Tačkom 7.4.1.b TD tražena Diploma za dipl.ing. građevinarstva, smjer – hidrotehnika, a ne opšti smjer, ponuda ponuđača „IBIS“ d.o.o. Zavidovići ne ispunjava uslove tražene TD.

Daljnim pregledom i ocjenom ponuda, Komisija za javne nabavke je utvrdila da ponuda ponuđača "HK ING" d.o.o. Sarajevo ne ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Ponuđač "HK ING" d.o.o. Sarajevo na strani 31. Ponude, dostavio je Ugovor o radu broj 02/22 od 31.12.2021. godine za Obranović – Cocalić Hanku da je zasnovala radni odnos na nedređeno vrijeme u firmi "HK ING" d.o.o. Sarajevo.

U tački 7.4.1.b TD – u Napomeni III navedeni su dokazi koje ponuđač treba dostaviti da bi dokazao radni angažman uposlenika, a to su: Dokazi o radnom angažmanu mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji.

Pošto je ponuđač „HK ING“ d.o.o. Sarajevo dostavio Ugovor o radu, te da bi se utvrdilo da je predmetni Ugovor i dalje na snazi, ponuđač je trebao dostaviti dokaz za to tj. Listu osiguranih lica iz Poreske uprave-nadležne ispostave u skladu sa zahtjevom iz TD.

Zatim je Komisija za javne nabavke pristupila razmatranju finansijskog dijela preostale 3 (tri) formalno-pravne ispravne ponude, te je izvršena računska provjera istih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Po okončanju evaluacije ponuda koje su formalno-pravno prihvatljive, Komisija za javne nabavke je sačinila Rang listu kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"URBIS CENTAR" d.o.o. Banja Luka	6.500,00	/	/	7.605,00
2	„INPROS“ d.o.o Mostar	6.800,00	/	/	7.956,00
3	"TEAM HIDRO" d.o.o. Sarajevo	7.100,00	/	/	8.307,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, Komisija za javne nabavke jednoglasno daje preporuku Općinskom načelniku da donese Odluku o izboru najpovoljnijeg ponuđača "URBIS CENTAR" d.o.o. Banja Luka, za pružanje usluge izrade Glavnih projekata rekonstrukcije vodovodne i kanalizacione mreže u ulici Samira Gradišića, sa ukupnom cijenom nabavke u iznosu od 6.500,00 KM bez uračunatog PDV-a, odnosno 7.605,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu/kancelariji za razmatranje žalbi BiH – ul. Vukovarska 10/1 Mostar, putem ugovornog organa.

Izradio: Mahira Čolić

Kontrolisala: Melisa Kršo

Dostavljeno:

1. "IBIS" d.o.o. Zavudovići
2. „HK ING“ d.o.o. Sarajevo
3. „INPROS“ d.o.o. Mostar
4. „URBIS CENTAR“ d.o.o. Banja Luka
5. „TEAM HIDRO“ d.o.o. Sarajevo
6. Nadležnoj Službi
7. U dosije
8. a/a

032/866-469

hkingdoc@gmail.com

036/554-022

051/223-962

teamhidro.bih@gmail.com

OPĆINSKI NAČELNIK

Edin Smajić